



Publicaziuns dalla vischnaunca, jamna 21

Votaziuns federalas e communalas dils 9 da zercladur 2024

L'urna principala en casa communal a ei aviarta sco suonda:
Dumengia, 9-6-2024, 09.00–11.00

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton **sil pli tard entochen venderdis, ils 7 da zercladur 2024, allas 14.00**, tier l'administraziun communal (tel. 081 920 36 36).

Levgiament da votar

Mintga votant(a) ha la pussevliadad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar a maun e metter quels en la cuviarta da votar grischa e **serrar giu** ella.
2. Metter la cuviarta da votar grischa ensemen cun il certificat dil dretg da votar **suttascret** en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (basegna negina francatura) ni directamein fierer en la scaffa da brevs dalla casa communal.

Ils cedels da votar ston esser sil pli tard la dumengia, ils 9 da zercladur 2024 allas 11.00 tier l'administraziun communal.

Aschinavon ch'ei vegn buca risguardau sura instrucziuns da votar, ein ils cedels da votar nunvaleivels.

Suprastonza communal

Damondas da baghegiar

2024-1037.000

Datum dalla publicaziun: 24-05-2024

Patrun: Paul e Letizia Duff-Sac
Via Denterpraus 2, 7186 Segnas
Representant: Paul e Letizia Duff-Sac
Via Denterpraus 2, 7186 Segnas
Intenziun: Engondiment dalla casa ed indrez fotovoltaic
Edifeci nr.: 326 B
Parcella: 413
Adressa: Via Denterpraus 2, 7186 Segnas
Zona: Zona da habitar
Zona da prighel: Negina zona da prighel

2024-1039.000

Datum dalla publicaziun: 24-05.2024

Patrun: Mustafa Ayhan, Abdulkadir Ayhan,
Via Santeri 13, 7130 Ilanz/Glion
Representant: Swiss Kuhl Solar, Enrico Kühl
Städtlistrasse 8, 7130 Ilanz/Glion
Intenziun: Niev indrez fotovoltaic sin tetg
Edifeci nr.: 220 C-C / 220 C-B / 220 C
Parcella: 685
Adressa: Via Alpsu 19, 19 a-b, 7180 Disentis/Mustér
Zona: Zona da habitar mischedada 3
Zona da prighel: Negina zona da prighel



2024-1040.000

Datum dalla publicaziun: 24-05-2024

Patrun: Claudia Geisler,
Via la Foppa 12, 7172 Rabius
Representanta: Claudia Geisler,
Via la Foppa 12, 7172 Rabius
Intenziun: Renovaziun dallas surfatschas da vendita
Edifeci nr.: 76
Parcella: 992
Adressa: Via Lucmagn 1, 7180 Disentis/Mustér
Zona: Zona centrala
Zona da prighel: Negina zona da prighel

2024-1041.000

Datum dalla publicaziun: 24-05-2024

Patrun: Adrian e Michaela Huonder,
Via Fontauna 4, 7180 Disentis/Mustér
Representants: Adrian e Michaela Huonder,
Via Fontauna 4, 7180 Disentis/Mustér
Intenziun: Engfondaziun dalla casa
Edifeci nr.: 311E
Parcella: 1208
Adressa: Gassa da Cuoz, 7186 Segnas
Zona: Zona dil vitg
Zona da prighel: Negina zona da prighel

2024-1042.000

Datum dalla publicaziun: 24-05-2024

Patrun: Markus Maissen,
Staldenstrasse 58, 3920 Zermatt
Representant: huonder bisquolm architects sa,
Via da Scola 18, 7180 Disentis/Mustér
Intenziun: Nova pompa da calira d'aria
Edifeci nr.: 373
Parcella: 45
Adressa: Via Salez 19, 7186 Segnas
Zona: Zona dil vitg
Zona da prighel: Negina zona da prighel

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér



Invitaziun ad ina sera d'informaziun publica

Venderdis, ils 24 da matg 2024 allas 20:00 en halla Cons, Mustér.

Program

20:00	Beinvegns ed informaziuns organisaziun communal
20:15	Survista situaziun finanziaria vischnaunca Mustér
20:30	Informaziun e discussiun votaziun dils 9 da zercladur 2024 «Pencularas Mustér – Concessiun dil dretg dallas auas»
21:00	Informaziun e discussiun votaziun dils 9 da zercladur 2024 «Revisiun parziala dalla planisaziun locala Val Sogn Placi e Val da Cuoz»
21:30	Finiziun

Suenter l'informaziun vegn offeriu in aperitiv.

La suprastanza communal selegra sin stedia participaziun.

Suprastanza communal

Proxima sentupada denter la giuventetgna e la suprastanza communal

La giuventetgna dalla vischnaunca da Mustér s'entaupa **sonda, igl 1. da zercladur 2024** allas 17:00 cun la suprastanza communal ella Sala Cumiera el Center Fontauna. Ei dat ina discussiun davart projects comunals e regiunals sco era ina discussiun libra. Silsuenter dat ei in puschegn pils participonts. Alla discussiun ein tut ils juvenils cordialmein envidai.

Annunzias prendin bugen encunter entochen venderdis, ils 31 da matg 2024 allas 14:00 sut tcadruvi@disentis.ch ni 081 920 36 36.

Suprastanza communal

Tagl da lenna – serrada dalla via Plaun Menisch

Muort lavurs da transport da lenna cun suga vegn la via da Plaun Menisch ad esser serrada pil traffic motorisau sco era pil traffic plaun. Las lavurs cuozan prevedentamein entochen ils 24 da matg 2024. Pertuccau ei il tschancun da Plaunca Su – Pardi sco era Fontanettas – Plaun Menisch. Per damondas urgentas eis ei da contactar il selvicultur Simon Cathomen, telefon; 081 920 36 41.

Bien engraziament per l'enconuschientscha e capientscha.

Uffeci forestal Disentis/Mustér

Meglieraziun Disentis/Mustér

Serrada dalla senda Acletta-Muntasch ed Acletta-S. Catrina

Muort las lavurs da construcziun dalla Via Acletta Petschna restan las sendas naven d'Acletta en direcziun Crest Muntatsch e S. Catrina e naven dil Crest Muntatsch enviers Acletta e naven da Sontga Catrina enviers Acletta serradas, naven dils 13 da matg entochen ils 22 da zercladur, mintgamai durant l'jamna per tut traffic. La fin d'jamna ed ils firaus ei il transit pusseivels, aschinavonaschinavon che las lavurs da construcziun lubeschan quei.

Il transit sil tschancun Muntatsch – S. Catrina resta era durant quei temps pusseivels.

Uffeci infrastruttura e baghegiar Disentis/Mustér



Administraziun communal

Muort il firau da Sontgilcrest resta l'administraziun communal serrada naven da **mesjamna, ils 29 da matg 2024, allas 17.30 entochen venderdis, ils 31 da matg 2024, allas 07.30.**

Bien engraziament per Vossa capientscha.

Administraziun communal

Disla – Colligaziun cun la reit da fibra da veider FTTH

Tenor las informaziuns dalla Swisscom eis ei pusseivel da colligliar las casas a Disla cun la reit da fibra FTTH. Aschia han ils habitonts da Disla naven d'immediat la pusseivladad da secolligiar cun quella reit d'aulta prestaziun. L'annunzia persunter succeda directamein tier la Swisscom. Informaziuns pertuccont la porschida e l'annunzia ein d'anflar sut l'adresa:

www.swisscom.ch/de/about/netz/anschluss/ftthondemand.html.

Per damondas stein nus bugen a disposiziun

Uffeci infrastruttura e baghegiar

Corporaziun d'alp Russein Mustér

Radunonza generala, venderdis, ils 7 da zercladur 2024 allas 20:00 ell'Ustria Cresta Segnas.

Tractandas
ordinarias usitadas ed informaziun sur dil stand dil project sanaziun infrastruttura dall'alp

Cordialmein envida

la suprastonza



Corporaziun da manteniment Mompé Medel

Invit alla radunonza generala, gliendisdis, ils 27.5.2024 allas 20.15 el local dall'Uniun da scursalar Mompé-Medel.

Einladung zur Generalversammlung Korporation Straßenunterhalt Mompé-Medel, Montag 27.5.2024 um 20.15 Uhr im Lokal des Schlittel Vereins Mompé- Medel.

Tractandas:

1. Elecziun d'in dumbravuschs / Wahl des Stimmenzählers
2. Protocol / Protokoll
3. Rapport dil president / Bericht des Präsidenten
4. Rendaquen 2022 e 2023 / Jahresrechnung 2022 und 2023
5. Rapport dils revisurs ed approbaziun dils quens / Revisorenbericht und Genehmigung der Jahresrechnungen
6. Adataziun dils status ed il reglement conform alla lescha surordinaria dalla vischnaunca Disentis/ Mustér / Anpassung der Statuten entsprechend dem übergeordnetem Gesetz der Gemeinde Disentis/Mustér
7. Approbaziun dalla „cunvegrientscha da prestaziun« cun la vischanunca Mustér / Genehmigung der Leistungs-Vereinbarung mit der Gemeinde Disentis
8. Adataziun indemnisaziun lavur cumina e maschinas / Anpassung der Entschädigung für Arbeit und Maschinen
9. Lavur cumina / Gemeinnützige Arbeit
10. Varia

Cordialmein envida

Per la suprastonza il president Placi Manetsch

Uniun da tiradurs Sedrun-Tujetsch

Pusseivladads da sittar igl obligatori e campester 2024

Campester: Venderdis, ils 24 da matg allas 18:00-20:00

Campester: Sonda, ils 25 da matg allas 17:00-19:00

Obligatori e campester: Venderdis, ils 31 da matg allas 18:30-20:00

Obligatori e campester: Mesjamna, ils 12 da zercladur allas 18:30-19:30

Obligatori e campester: Venderdis, ils 23 d'uost allas 18:00-19:30

Cun plascher beneventein nus tiraduras e tiradurs el stan da sittar La Resgia a Sedrun.



Medel – Mustér – Tujetsch s'entaupan a Stagias, Academia Vivian

El center stat ina sentupada denter vischinas e vischins dallas treis vischnauncas, in scomi cultural ed ina paterlada intercomunala. **Sontgilcrest, ils 30 da matg 2024** a partir dallas 15.30 a Stagias, Academia Vivian.

Program

- 15.30 Avertura dalla sentupada
- 16.00 Plaid da beinvegni ed in apero offerius dallas treis vischnauncas Mustér, Medel e Tujetsch
- 16.15 Entschatta dil program cultural
 - Producziun dils sunatibas da Tujetsch
 - Albert Lutz, oriunds da Soliva raquenta ord siu cudisch «Val Medel e sia populaziun dils 18 e 19avel tschentaner»
 - Producziuns dalla gruppa da costums Mustér
 - Cuorta presentaziun davart la Punt Pendentia
- 17.30 Pusseivladad da tschenar. Cuschina organisada entras Pally Beno

Impurtont: Negina pusseivladad da pagar cun carta da pagaments.

Transports gratuits (vegnan organisai dallas vischnauncas)

S'annunziar entochen gliendisdis, ils 27 da matg 2024:

Tujetsch: Forum cultural Tujetsch, 078 612 08 40 ni info@thendry.ch

Mustér: Administraziun communal, 081 920 36 44 ni cwetzels@disentis.ch

Medel: Administraziun communal, 081 920 33 66, ni info@medel.ch

La sentupada ha liug mo da bialaura. En cass da dubi datan las paginas d'internet dallas vischnauncas sclariment.

Sin ina scuntrada tut speciala selegnan ils responsabels

per la cultura dallas treis vischnauncas.



Colonna d'agid Cadi

Camp da reiver per affons dalla Colonna d'agid Cadi 2024

Sco gia dapi biars onns meina la Colonna d'agid Cadi atras dus cuors da reiver per affons denter 9 e 16 onns (annadas 2008 – 2015). Ils cuors han liug el territori da reiver a Lai Alv (2505 m) a Mustér, sisum dil territori da skis. Survigilai ed instrui da menadras e menaders da Giuventetgna e Sport emprendan ils affons semplamein ed en cuminonza igl ir a cuolm.

- Datum: Dumengia – venderdis (1. jamna 14-7. Entochen 19-7-2024, 2. Jamna 21-7. entochen 26-7-2024)
- Program: Introducziun egl alpinissem, ir entuorn cun sugas, reiver els curtgins da reiver, sentiment per grep e contuorn, pintga tura sin in péz, flora alpina, encurir cristallas.
- Material: Material che maunca san ins retscheiver dil cuors.
- Cuosts: frs 290.- per affon (cumpriu pensiun cumpleina, material e surnotg a Lai Alv)

Annunzias ei pusseivel naven dils 2 da zercladur 2024 sut laialv@disentis.ch

PUNTREIS Center da sanadad SA

10 onns giubileum

Sonda, ils 25 da matg 2024 allas 10.30-16.00 ella PUNTREIS Center da sanadad SA.

Nus selegrein da festivar nies giubileum ensemen cun Vus.

10-jähriges Jubiläum

Samstag, 25. Juni 2024 von 10.30-16.00 Uhr in der PUNTREIS Center da sanadad SA.

Wir freuen uns das Jubiläum mit Ihnen zu feiern.

Construcziun collaborativa cun roboters

Martin Candinas lai mussar il project Caschlatsch da prof. Fabio Gramazio.

Gia la 29avla ga s'entaupan ils interessai dil project Caschlatsch quei venderdis allas 21.05 uras sut las arcadas tier «Studio UH architects» a Mustér per s'infurmar davart il stadi actual dil project da perscrutaziun da l'ETH. Alla sentupada dils **31 da matg** vegn il professor da Gramazio Kohler Research a discuorer cun Martin Candinas davart quella installaziun surprendenta e provocativa. «Catch Caschlatsch - if you can.» Era quella sera vala: - BringYourOwnBeer.

Collaborative Construction with Robots Martin Candinas lässt sich von Prof. Fabio Gramazio das Projekt Caschlatsch zeigen.

Bereits zum 29. Mal treffen sich Interessierte am Projekt Caschlatsch diesen Freitag um 21.05 Uhr unter den Arkaden bei «Studio UH architects» in Disentis, um sich über den aktuellen Stand des ETH-Forschungsprojekts zu informieren. Am Treffen vom **31. Mai** reist der Professor vom Lehrstuhl Gramazio Kohler Research an, und spricht mit Martin Candinas über diese überraschende und provozierende Installation. «Catch Caschlatsch- if you can.» Auch an diesem Abend gilt: BringYourOwnBeer



Uniun da dunnas Disentis/Mustér

Sentupada cun affons pigns e geniturs

Nus envidein cordialmein tut ils affons entochen treis onns (cun fargliuns e geniturs) da s'entupar, termagliar e paterlar.

Mesjamna, ils 29 da matg 2024, allas 9:30–11:00 en casa da scola Segnas, local artgin, ella 1. alzada. Prender cun marena e scalfins.

Serrada dalla senda da viagiar Cufions – Ragisch – Mumpé Medel

Muort lavurs da construcziun vegn la senda naven da Cufions sur Ragisch – Mumpé Medel serrada per tut il diever. Las lavurs han prevedentamein liug entochen ils 22.06.2024. Igl access naven da Cufions a Mumpé Medel ei pussevvels durant quei temps sur Fontanivas – Plaun Sut – a Mumpé Medel (via veglia da Mumpé Medel).

Per damondas urgentas stat la direcziun da construcziun a disposiziun, ipz ingenieure und planer 081 943 17 22. Bien engraziament per l'enconuschientscha e capientscha.

TCS- Regionalgruppe Surselva

Basel Tattoo

Mira sut Ilanz/Glion!
